

է տալիս փեսին, որից յետոյ հանգիսականները վերցնում են թագաւորին և գնում նրա տունը, ուր հաւաքւում են բաւոր գիւղականները. նրանք թագաւորին տանում են հարսի տունը. այնտեղ նորից սկսում են պարել և ուրախանալ. ապա հարսի հայրն ու մայրը լալով օրհնում և համբուրում են փեսի և աղջկայ ճակատները, ու ահա զուգնաչին հրաժեշտի եղանակը հնչեցնում է. «Թագուհին» (հարսը) հեկեկալով հրաժեշտ է տալիս իր ծնողներին, հայրական տանը. ապա դուրս են գալիս և գնում գէպի թագաւորի տունը գաւաւթ-զուռնի առաջնորդութեամբ: Այստեղ մինչև երեկոյ քէֆ են անում: Բացի այդ, հարսանիքին աւելի փայլ տալու նպատակով հրաւիրում են երբեմն հայ աշուղներ, որոնք նստած հրաւիրեալների մէջ սաղ են ածում և երգում: Սակայն նրանք բառի իսկական առումով աշուղներ չեն. այլ աշուղանման երգիչներ, որոնք երգում են առաւել լայտնի և աւելի ժողովրդականութիւն ստացած աշուղների հեղինակութիւնները:

**Խաչվերէի:** Երեկոյեան հասարակութիւնը ցրւում է, մնում են մի քանի հոգի և քահանան, որոնց համար մի փոքրիկ սեղան է պատրաստուում. մօտ մի ժամ ուրախանալուց յետոյ, քահանան խաչը վեր է հանում: Գրանով հարսանիքը վերջանում է:

Աղջիկ փախցնելու սովորութիւնն այս գիւղերում չկայ: Փէրիայում նորահարսը շատ իրաւագուրկ է, նա մինչև 70 — 80 տարեկան հասակը չհասած, տղամարդկանց (տէքրերի, սկեսրի, սկեսարի և օտարների) հետ ո՛չ միայն իրաւունք չունի խօսելու, այլև ճաշելու, նստելու և երեսը բանալու: Սովորաբար նա երեսը ծածկում է սպիտակ «եսաձմաղ» — քընթակալով, գլխին կրում ահագին մի պատաճանք, որ զարդարւած է լինում բամբակից ոլորած թելի վրայ կախ արած 20 — 30 պարսկական դաւաններով. դա տեղական բարբառով «թախտած» է կոչւում, մզից կախում արծաթեայ մանեակ, որ «աշմ» են անւանում, իսկ բազուկներին կրում արծաթեայ